



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Gradom Goražde

Izveštaj o održanom prvom mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u gradu Goraždu

U okviru Javnog poziva za organizacije civilnog društva/nevladine organizacije za predaju prijedloga projekata, koji se sprovodi u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Gradom Goraždem, u četvrtak, 27. oktobra 2022. godine u terminu od 12.00 do 13.45h održan je prvi od tri planirana mentorska sastanka za zainteresovane predstavnike/ice organizacija civilnog društva (OCD). Prvi mentorski sastanak održan je u prostorijama Gradske uprave i bio je prilika da predstavnici OCD-a sa mentorom javno diskutuju o nedoumicama i dilemama u okviru pripreme projektnih prijedloga.

Termin prvog mentorskog sastanka definisan je u samom **Javnom pozivu za predaju projektnih prijedloga u sklopu projekta Regionalni program lokalne demokratije na Zapadnom Balkanu 2 (ReLOaD2) u gradu Goraždu**, na zvaničnoj internet stranici Grada Goražda, te Razvojnog programa Ujedinjenih nacija (www.undp.org). Dodatno je poziv za učešće na prvom mentorskom sastanku upućen organizacijama civilnog društva i nakon održanog prvog dijela obuke u upravljanju projektnim ciklusom (PCM) i objavljen na zvaničnoj internet stranici Grada.

Prvom mentorskom sastanku prisustvovalo je ukupno 11 učesnika/ca (predstavnik/ca 7 OCD), od čega 8 žena i 3 muškarca.

Na početku mentorskog sastanka, učesnicima je pojašnjena uloga mentora i svrha održavanja mentorskih sastanaka. Tom prilikom je naglašeno kako je uloga mentora **da pomogne u otklanjanju dilema i nedoumica koje predstavnici OCD mogu imati tokom pripreme projektnih prijedloga**, ali da uloga mentora nije da na bilo koji način učestvuje u izradi samih projektnih prijedloga. Istaknuto je takođe da u cilju osiguranja i primjene transparentnog pristupa realizacija mentorstva, konsultacije „jedan na jedan“ sa predstavnicima OCD nisu dozvoljene. Nakon uvodnog predavljanja svrhe mentorskih sastanaka i planiranog načina rada mentor je dao mogućnost prisutnima na sastanku da iznesu svoje dileme i postavbe pitanja.

Tokom diskusije razgovarano je o sljedećim temama:

1. **Veza projekta sa Strategijom razvoja grada Goražda i prioritnim oblastima Javnog poziva.**

Najviše pitanja i nedoumica bilo je u vezi povezivanja tema planiranih projekata sa prioritnim oblastima Javnog poziva, odnosno strateškim ciljevima definisanim u Strategiji razvoja grada Goražda.

Odgovor: Mentor je podsjetio kako je u dokumentu Smjernica naznačeno kako prijedlozi projekata trebaju biti usklađeni sa prioritnim oblastima iz samog Javnog poziva te da su te prioritne oblasti izvedene iz dokumenta Strategije razvoja grada Goražda za period 2017-2026. Veza projektnog

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



prijedloga sa prioritnim oblastima iz Javnog poziva svakako treba da postoji i posebno se ocjenjuje prema definisanim evaluacionim kriterijima. Učesnicima je ponovo pročitana spisak prioritnih oblasti i ponovo podcrtana obavezna kreiranja prijedloga projekata u okviru ovih tematskih oblasti.

2. Definisane ciljne grupe

Većina prisutnih OCD je predvidjelo kao ciljnu grupu samo članove svojih udruženja.

Odgovor: Svi projektni prijedlozi treba da doprinesu dobrobiti stanovnika Goražda, te ciljne grupe treba da budu šire od članstva jedne OCD. Posebno treba razmisliti o načinu odabira tih ciljnih grupa, da bi se obezbijedila jednaka mogućnost svim zainteresovanim, a odabrale najprioritetniji.

Mentor je podsjetio da ciljne grupe moraju biti jasno definisane, kao i jasna korist provođenja projekta za ciljnu grupu.

S obzirom da je u pitanju lokalna zajednica sa manjim brojem stanovnika i sličnim potrebama različitih ciljnih grupa, učesnici mogu razmotriti i eventualna partnerstva i konkurisanje sa zajedničkim prijedlozima projekata.

Naglašeno je da druge organizacije i/ili institucije koje su neophodne kako bi se osigurala uspješna realizacija projekta mogu biti uključene u projekat (npr. škole). Ovakve organizacije, institucije mogu dati doprinos u realizaciji projektnih aktivnosti, ali ne mogu biti korisnici sredstava koja se dodjeljuju putem ovog javnog poziva. U slučaju da se dio projektnih aktivnosti obavlja u takvim institucijama, potrebna je njihova saglasnost.

3. Ostala pitanja

Učesnicima je odgovoreno i na nekoliko drugih pitanja/nedoumica:

- projektna aktivnost mogu započeti nakon februara 2023. godine, ali se moraju završiti do kraja decembra 2023. godine.
- troškovi promocije ne mogu prelaziti 5% budžeta projekta (ovaj postotak je definisan i u Smjernicama javnog poziva).
- učesnici su predložili mentoru nacrt projektnih dokumenata, te je mentor na licu mjesta komentarisao nacrt i otklanjao dileme koje su učesnici/predstavnici OCD imali.

Na kraju sastanka mentor se zahvalio prisutnim predstavnicima OCD na učešću te najavio da će u toku mjeseci oktobra i novembra biti organizovana još dva dijela obuke za pisanje projekata i dva mentorska sastanka, a sve kako bi predstavnicima/acama OCD-a bila pružena podrška prilikom pripreme projektnih ideja, i to:

1. **Drugi dio obuke za pisanje projekata (Logički okvir) u ponedjeljak 31. oktobra 2022. godine u 11.00h** (Gradska uprava, velika sala).
2. **Drugi sastanak sa mentorom u četvrtak, 3. novembra 2022. godine u 11.00h** (Gradska uprava, mala sala).
3. **Treći dio obuke za pisanje projekata (Planiranje aktivnosti i budžeta) u ponedjeljak 7. novembra 2022. godine u 11.00h** (Gradska uprava, velika sala).
4. **Treći sastanak sa mentorom u četvrtak, 10. novembra 2022. godine u 11.00h** (Gradska uprava, mala sala).

Potvrdu o prisustvu na mentorskim sastancima potrebno je poslati na azra.mirvic@live.com ili sead.dzabija@gorazde.ba



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



U svrhu transparentnosti, svi zapisnici, uključujući i ovaj, sa održanih sastanaka sa mentorom će biti objavljeni na stranici Grada Goražda. Na ovaj način će se omogućiti da informacije budu dostupne za OCD koje nisu bile u mogućnosti da prisustvuju sastancima sa mentorom.